


C40-4514



嘉興闔郡大護法公啓

伏以

法雲爛熳祥開鴛水之濱

慧日光輝瑞映楞嚴之席靈山雖徧東南佛

隆禱李恭惟

法璽大和尚座下

高提祖諦

大闡宗風得靈鷲之真傳契

楞嚴始自宋朝

紫柏尊者垂法道於千秋

慈山之的旨惟茲

64853

C40  
4514  
(243)



聖古公啓

密藏大師廣曇華於三寶古刹須待人而興堂主  
必擇賢而事幸遇

飛錫來未端請

弘慈坐鎮願為十方常住以流傳尤藉一代大師

而安宅伏冀

登大地於莊嚴琉璃普現

度人寰而接引獅象光臨十地抒誠衆檀忭

啓

法末張天植

曹溶

杜臻

何元英

王庭

吳鐘

錢江

朱茂時

莊鐸

陳之遵

許宗渾

顧鵬

顧高嘉

徐李熊

姚源滄

吳源起

趙隨

卜陳葵

高以永

曾王孫

毛延芳

袁定遠

吳三錫

陳昌祚

盛民譽

屠又良

王燮

葉燮

沈胤成

朱介

王士遴

黃章

項玉筍

高駿發

吳啓元

曹斌全頓首拜

雙松齋

大護法又啓

竊聞

燈派分來自是慈山脉絡

法源湧處豈同白社風流

不澗弘慈聿新大乘

恭譜

法聖大和尚座下

六度久圓

一絲不挂

機藏陷虎聞咳唾瀝盡狐涎

目喪全牛觸譏呵動窮兔窟

針錘妙密

竿影離微

誠臨濟之骨孫爲震旦之肉佛緬茲究竟堅固

之刹實乃烹鍊淨覺之場

睿師花雨繽紛猶飄衣袂

紫柏真風馥郁尚滿階除况

龍藏頒自前朝證明有主

寶典通於天下擁護傾虔

道價傑出諸方

光塵徧馳九陌世清等風沾

濃味契切盟心近燭群情戀同索乳佇看

七十二相相光瑩頓教

四十二章章打滅望

獅王而頂禮駕鷄首以躬迎伏冀

寵臨曷勝翹企

法末徐世清

張天柱

杜喟

袁朗

項謙

施博

姚敬明

懷應聘

濮菜

黃濤

江溥

曹睿

張大沐

褚廷瑄

李新枝

張泰徵

施鑒范

范繼施

杜允陞

張旻

沈際昌

姚恂

金大起

濮琦

姬寅

譚瑄

王沆

孔興儀

屠庭芝

唐珏

徐肇彬

徐善

何岱

朱茂暘

朱茂昉

屠爾祥

朱茂暉

許振聲

張昊

張昇

張晟

徐柱臣	徐發	徐楞
項奎	蕭璣	陸洵
何密	沈拱日	仲之屏
岳洵	張明體	曹學澗
譚吉旃	李潛	徐鼎吉
張昌	姚人瑞	譚吉彤
盛遠	萬人望	譚吉英
張昱	王魏	沈映日
曹彥樞	姚安	朱彝教
曹學澗	吳浩	朱彝憲

鍾欽立	曹袞	李御
吳曰來	朱振	張之經
沈梓	江滋	張昂
施冕	徐焉	馮衍
沈瀛選	李昂枝	金敏鎮
徐弘烟	岳程	沈淳遵
濮龍錫	徐無爲	朱彝敘
仲貞	沈之球	范隆緒
朱董瑩	徐	唐永齡全頓首拜

瘦去公密

三

諸山請啓

伏以

禪源現瑞法海凝祥宗風大振於寰中祖脈弘通  
於界外赴人天以有矜憐之念度愚昧而無揀  
擇之心緇素藉以騰驩雲流因而踴躍恭惟  
同安法靈大和尚座下

拿居嫡子

臨濟真孫湖

笑祖楞巷之機宜拈

憨翁曹谿之法乳廿餘季利生接物四五會祝

聖開堂擲絲綸於四海煙波錦鱗獲盡設爐韜於

兩京叢席大器鎔成藤三劬乾屎橛恒爲獅象羅  
籠雲門餅趙州茶每作雲流供養三千七百葛  
藤窠從頭截去八萬四千方便法盡底拈來惟  
茲楞嚴古剎法席久虛用借

碩德洪慈梵林有主伏祈

惠然肯降弘開選佛之覺場竚見

永抑狂瀾聿展濟生之願力直教人人返轍個個  
知歸了明白性因緣透徹娘生面目龜毛塵拂  
掃除肝膈之塵埃兔角杖揮敲破虛空之頂骨

統祈

默許早降

華筵臨楮可勝神往之至

法末真如行傑 無隱行立 東塔淨範

梵受淨憲 金明真璨 天寧岳鼎

水西德真 三塔定惺 漏澤成登

龍樹性覺 初地通復 新庵宗常

梵受淨聲 勝勝音現 太平成源

營泉海耕 幻居智耕 碧光普協

選聖淨儀 香萃正定 古井源澄全和南

楞巖合山請啓

伏以

靈鍾鷲嶺秀發熊峰立根株於未始之前衍枝葉

於無窮之後孤光獨露大用全彰萬籟俱空一

塵不染恭惟

同安法璽大和尚 猊座

道高古德

名副先聲

佩祖印於雲居山中

紹宗祧於曹谿堂上

道風孤厥渟沱之脉絡恒新

法化崇隆臨濟之門庭永振懷藏秘密到處敷揚  
干木隨身逢塲作戲茲有楞嚴丈室禾郡名藍  
始創

長水法師中興

紫柏尊者

六千卷靈文浩渺願啓曩年九十載檀信經營  
功圓今日迺因法席宏開優蒲無王象筵肆設  
七鬯猶虛非曼殊之識瑞多寶誰窺微法慧之  
問津楞伽孰顯奉迎

和尚威震中庭庶使合堂庸衆若網在綱叢席芳規  
如裘得領因等身居十地不知等妙之境眼界  
未洞開莫窮日月之照臨經寒際暑願供洗沔  
之勞入室陞堂敢效巾瓶之役爰徧鳴於

檀護專投誠於

法座伏願

杖拂早臨緇素盡知明個事車輿特降入天齊解  
扣真乘棒喝交加風雲廣澤衆香國王寶互喚  
錦繡惟滋大樹堂幸賜

慈悲曲垂



允可臨啓曷勝虔肅之至

楞嚴般若堂弟子寂暹

本山十靜室弟子覺因

本圓

清允

妙選

心穎

界清

定一

廣仁

空谷

圓朗

法端

源澈全合十

楞嚴法璽印禪師語錄

侍者旋性記錄

師於甲寅春寓嘉興天寧寺刻顯老人語錄至丙辰秋工竣於九月望日束裝回豫舟至吳門值

本郡諸大護法縉紳孝廉文學士庶暨諸山耆宿各剎知識本寺經王十地各師公啓請主楞嚴法席於

康熙十五年十月十五日進院

山門師以拄杖指云大方門八字打開復劃云微妙道不妨直入拽杖便進

彌勒殿師云彌勒真彌勒分身千百億分身百億卽  
不問且道那個是真彌勒遂進前拈香

韋馱殿師云摧邪輔正願力弘深吾旣不辜負汝汝  
亦不得辜負吾如何是兩不辜負處遂彈指云恰

佛殿師久視云巍巍挺特慈視衆生新長老到來且  
作麼生相見遂展具大拜

伽藍堂師云十方常住賴汝維持而今而後呼之應  
之遂拈香云功驗太速

祖師堂師云者一夥老凍儂在者裏成羣作隊欺瞞  
天下人今日不肖遠孫也須別峯相見始得何故掌

### 明眼難瞞

方丈師云座已據令當行任是鉞鋒上走馬劔刃上  
翻身的到來也須各喫三十痛棒且道有什麼長處  
驀拈拄杖云一條柳樛當軒坐鐵額銅頭也皺眉

### 本日諸護法請

上堂師至法座前拈疏云者是諸佛諸祖的正法眼  
大光明藏在諸大護法毛錐子上放光動地今日  
欲得山僧據款結案諸人還會麼會得則洞明心地  
了也其或未然再煩宣過宣畢師指法座云獅王寶  
座未許輕登的骨兒孫方堪跨步喝一喝便陞師卽

拈香云此一瓣香天上天下最貴最尊燕向爐中端  
為供養

南無本師釋迦牟尼文佛暨西天東土歷代祖師伏  
願傳燈續焰慧命流通次拈云此一瓣香光吞日月  
眼蓋乾坤燕向爐中端為祝延

今上皇帝聖躬萬歲萬歲萬萬歲伏願道高堯舜德備  
禹湯次拈云此一瓣香上格君心下鍾民望燕向爐  
中奉為

滿朝文武闔國公卿本省各憲暨本郡道臺府主各  
廳主兩縣主衆衙尊官伏願永作朝廷砥柱長為法

海金湯次拈云此一瓣香靈山受囑法莊秉心燕向  
爐中奉為

闔郡諸大護法縉紳孝廉文學碩德諸多勲貴伏願  
德被鄉閭光通梵宇次拈云此一瓣香透金剛圈吞  
標棘蓬燕向爐中奉為

各刹耆宿諸大知識并本寺經王十地尊師伏願道  
化攸隆慈風遠大次拈云此一瓣香弘宗演教卓古  
振今燕向爐中專為供奉

開山長水法師中興達觀和尚暨密藏大師伏願門  
庭永振於寰中法化長宣於界內次拈云此一瓣香

南叅雲谷契盡鉗鎚北見笑巖親蒙印可燕向爐中  
專爲供養

中興曹谿堂上愁山師翁和尚伏願根淡葉茂源  
遠流長次拈云此一瓣香猛虎口中奪來驪龍領下  
爭得第五回拈出燕向爐中專爲供奉

前住雲居山歸老紫竹林堂上傳臨濟正宗三十世  
傘居先師顓愚老和尚用酬法乳之恩斂衣就座金  
明東巖和尚白椎云法筵龍象衆當觀第一義師云  
年來何事不歸山也效諸方入鬧籃多是諸公憐法  
社故將野衲下鉤竿以拄杖作釣勢云莫有上釣者

麼靈岳西堂問楞嚴古刹藏與攸關不是其人難爲  
主席今日和尚到來且道得何三昧師便打岳云與  
麼則從上諸祖各各相持來也師云正要鬧黎恁麼  
道岳云只如十方賢善四海衲僧一齊到來又作麼  
生接待師云各領三十痛棒岳云四大本空五蘊非  
有棒從何處著落師復打岳便喝師又打岳遂退步  
云恁麼則龍得水時添意氣虎逢山勢長威猊師云  
是子本分事岳作禮云恭惟和尚萬福師云太也野  
拙禪師問三乘十二分教到者裏也須結舌且道如  
何是奇特句師卓拄杖云會麼拙云恁麼則盡大地

俱得承此恩力去也師云如何是汝承恩得力處拙  
云有賴和尚證明師云也須薦取始得拙以坐具覆  
肩歸位師云太殺伶俐僧問有龍無水時如何師云  
足下升騰僧云有水無龍時如何師云乾坤浩蕩僧  
云龍水俱到時如何師云萬里風雲扶搖直上僧云  
適值和尚到來法雨繽紛未審是何祥瑞師云微雨  
灑堦前白雲覆其頂僧云恁麼則鴛鴦湖畔浪滔天  
師云切忌淹殺乃云若論此事必須向山僧未入楞  
嚴已前直下會取方較些子若待擊鼓陞堂拈錫豎  
拂立立賓行棒行喝然後思量擬議早已落二落

三堪作什麼諸仁者還會麼會得不妨與山僧同居  
般若之堂共入無爲之化此時正好披鶴氅著羊裘  
向鴛鴦湖畔擲下絲綸十字街頭打開布袋姪房酒  
肆大放癡憨歌管絃樓自稱尊貴果能如是方許號  
令人天鉗錘佛祖倒用橫拈亦非分外其或不爾且  
聽山僧開堂祝聖格外商量一句良久頷左右云但  
願皇風充宇宙管教大地息干戈遂起立云山僧道  
荒德薄學淺行疎只宜雲壑耕耒那堪利生接物茲  
因

闔郡諸大護法諸山耆宿各刹知識暨本寺經王十

地尊師澆憐楞嚴古刹法席久虛特命山僧來斯王  
席建立綱宗弘通大法挽回先德之遺風整肅前人  
之龜鑑山僧辭不獲已只得勉強應命嗣後須賴諸  
人各各同心鼓舞共力匡持方不辜紫柏老人刺血  
書聯長水大師剝心註疏密藏大師規模後學之苦  
心也既然如是山僧今日不免炭中著墨錦上鋪花  
索性爲諸人滿口道破驀拈拄杖劃一劃云達老引  
錐畱法社長翁陞座雨花香都盧一段西來意今日  
拈來復舉揚卓一卓喝一喝東巖和尚結座云諦觀  
法王法法王法如是下座

當晚小叅師云從上諸祖建立門庭莫不皆有成禡  
今日山僧王持此席且道還有成禡者麼良久顧左  
右云諸兄弟若向者裏成禡得則規繩未展法式先  
行寸刃不施魔風已喪自是叢林丕振道化攸隆十  
方雲水爭歸四海魚龍競舞青青紫柏仍爲郡邑觀  
瞻簇簇黃花更足人天賞鑑同堂共任聲氣相求出  
入周旋頭頭合道果能如是要使灰頭羅漢出定揚  
威土面彌陀放光現瑞其或不然也須山僧握霧拿  
雲與諸人排布一上復舉三聖道我逢人則不出出  
則便爲人興化道我逢人則出出則不爲人師云二

老疆界雖嚴未免家風散誕若是山僧斷不作者般見解何故聾出不出兮花正發爲不爲兮點翠苔但願東風齊著力一時吹入我門來拽杖歸方丈  
茶話山僧入院已半月日矣其中一出一入周顧人情作揖打躬咳嗽唾掉臂總與般若實相不相違背汝諸人在於二六時中行任坐臥一動一靜處還與般若實相不相違背麼設若違背則諸佛自諸佛衆生自衆生有迷悟有成生早被聖凡關鎖隔絕了也於自己分中有何交涉古人道日用事無別惟吾自偶諧神通并妙用運水及搬柴所以般若實相就在二

六時中頭頭上顯法法上彰左右逢源抑揚自在汝諸人還會麼設若不會山僧更有一則陳爛葛藤再爲諸人舉破昔日鄧隱峰推車次馬祖展腳在路上坐峰曰請師收足祖曰已展不縮峰曰已進不退乃推車碾損祖腳祖歸法堂執斧子曰適來碾損老僧腳底出來峰便出於祖前引頸祖乃置下斧子歸方丈師云者兩個漢父子英雄氣存千古雖則爲法亡軀未免鋒鋌太露復喝云法令當行了無回互遂翹足云今日衆中假如有個直前不退者山僧亦不怪者一足有麼有麼衆無語師云風流賣盡諸方去剗



得堂中趙老茶

立規僉職上堂師至座下以拂子打○相云會麼若  
向者裏會得立規僉職了也其或未然不免向曲录  
木上開兩片皮播弄葛藤去也喝一喝便陞斂衣就  
座云孤掌不浪鳴兩掌鳴擱擱奉告知音者那個是  
先達衆中莫有先達者麼有則不妨出來相見靈岳  
西堂問規條整肅職事森嚴和尚陞堂如何舉唱師  
云獅鳴象吼虎嘯龍吟進云且道泥人木馬還得知  
音也未師卓拄杖云是什麼進云獅鳴象吼虎嘯龍  
吟師便打岳便喝師又打進云恁麼則寒風摧古木

慧日轉蒼松師云腳跟下何不薦取進云也須和尚  
證明始得師云高著眼芝庵知藏問入屢垂手卽不  
問如何是大佛頂師打云千聖莫能窺進云恁麼則  
萬古楞嚴開寶藏千秋大樹覆人天師云不勞讚歎  
進云爭奈光輝大地師云畱得雙眼覷雙肩進云者  
是什麼所在師云卜度看巖碧副寺問祖席重開卽  
不問頂珠突出事如何師云爍破四天下進云旣然  
如是則現前大衆各各現大悲手眼去也師云親口  
道出進云謝師指示師云也須會取僧一喝歸位師  
云赫剎須彌竺庵悅衆問瑞氣凝空香燼滿座從上

綱宗請師拈出師便打進云恁麼則迦葉峰前金鳳舞洪崖谿畔玉鷄啼師云都向此中著到進云正是野老聲聲賀太平師云者消息那裏得來僧便喝師云者一喝未有落處在進云人天交接兩得相應師云喫棒有分乃舉昔日趙州會有二僧相推不肯作第一座主事白州州云總教伊作第二座主云第一座教阿誰作州云裴香着王云裴香了也州云戒香定香解脫香師云趙州老漢慣用就裏金鎚輕輕一擊驚得獅鳴象吼虎嘯龍吟月映千江雲投萬壑是則是檢點將來也是拖泥帶水若是楞嚴門下並

撰述  
卷之三 禪師語錄

無者般舉止豈不見山僧一入門來雲水皆歸象龍畢集兩序排布於堂前列職森羅於座後然雖如是不免再爲諸人從頭註破第一座千聖到來覩不破第二座一曲巴歌少人和第三座美玉無瑕有幾個以及監院化士猛力承當街坊化導知客侍者周顧人情進退有禮香積厨善調在手般若堂收放存心內外大衆莫不風行草偃逆順相隨既然且道無位真人作何良補浪拈拄杖高豎云號令人天于法自在卓一卓喝一喝下座

茶話設規條僉職事無非建立叢林開爐鞴煅聖凡

支那

雲龍山羅市吾家

七

總は敷揚法道山僧初居此席無補先人煩賴諸人  
各各發勇猛心行真實行饑則同飧渴則同飲不以  
苦樂二其心不以貧富奪其志水陸勤劬春秋耐守  
果能如是則不惟繼續先風開通後學亦且正法眼  
藏涅槃妙心皆有承順之際豈不見楊岐燈盞寶壽  
生薑投子油瓶滌山典座歷來聲價如山之高海之  
深不容絲毫假借不費點滴週遮自然轟轟烈烈展  
演叢林復興法道其或未然再聽山僧重下註腳良  
久顧左右云大家出隻手扶起破沙盆  
佛成道日上堂師拈香畢薦豎拄杖云釋迦老子來

也在山僧拄杖頭上現大人相衆中還有相見者麼  
僧問頓捨皇宮淡居雪嶺爲什麼却向泥蓮河畔出  
現師云滴水滴凍進云與麼則滿目迎文無覓處師  
云杲日麗中天進云大衆證明師打云也須喫棒進  
云明眼宗師天然猶在師復打云更須一頓問世尊  
成道卽不問未降皇宮事若何師云退後三步看進  
云降後如何師云進前三步看進云現今說法事如  
何師便打乃云年年此日臘月八觀星悟道稱悉達  
無端眼裏著空羣殃及兒孫逞惡辣惡辣且置只如  
世尊六載雪山勤行苦行觀星悟道檢點將來也是

眼 中 著 眉 奇 哉 一 切 衆 生 各 各 皆 具 如 來 智 慧 德 相  
但 因 妄 想 執 著 不 能 證 得 亦 是 虛 空 釘 樞 山 僧 恁 麼  
告 報 但 要 諸 人 向 自 己 清 白 地 上 威 音 已 前 一 覩 覩  
破 始 知 本 來 寂 淨 不 立 纖 塵 海 宴 河 清 十 方 洞 徹 正  
恁 麼 時 你 諸 人 還 委 悉 麼 若 委 悉 得 則 滴 水 滴 凍 可  
以 超 過 釋 迦 老 子 一 頭 地 去 倘 或 不 爾 再 聽 木 上 座  
爲 汝 道 破 遂 拋 下 拄 杖 云 撲 落 非 他 物 縱 橫 不 是 塵  
下 座

楞嚴寺規約

蓋 先 德 之 典 型 關 乎 氣 運 吾 人 之 操 守 係 乎 盛 衰 觀  
夫 古 今 隆 替 聖 賢 調 度 之 方 莫 不 皆 由 因 革 損 益 之  
理 以 大 其 成 宜 乎 規 條 約 束 之 設 實 爲 叢 林 之 要 務  
者 矣 抑 且 楞 嚴 古 刹 乃 流 通 經 典 之 處 理 應 門 風 孤  
峻 道 氣 清 新 方 可 使 佛 祖 慧 命 流 布 寰 中 略 無 源 頭  
壅 滯 之 狀 耳 然 而 紫 柏 尊 者 傳 宣 血 誥 之 時 密 藏 大  
師 刻 布 規 條 之 日 迄 今 慈 音 未 遠 慧 旨 猶 存 繼 續 之  
人 奚 難 克 紹 多 因 自 怠 之 故 也 况 乎 我 輩 居 此 莫 不  
衣 其 衣 食 其 食 一 瓦 一 椽 一 鍼 一 線 皆 從 先 佛 先 祖

根述  
法苑珠林卷第  
一  
而得豈可苟圖利養不守清規不以己躬大事提持  
甘作沉淪滅裂種子而違先人之教誡者哉近聞本  
堂門庭虛寂僧行不勤隨流合汚恣情縱意種種不  
法淡爲可痛山僧乃上承臨濟之的脈下爲愍祖之  
真孫昨來嘉禾刊刻顛愚先師語錄附藏事畢欲得  
仍歸同安休老不期行至吳門忽蒙

本郡諸大護法暨十地尊師同作書符力爲追請只  
得不辭腐陋勉強承當今日旣居此席不得不爲諸  
人提綱挈領革故鼎新開爐韞運鉗鎚撥轉聖凡樞  
機開鑿人天眼目嗣後諸人必須體取山僧恪遵儀

範不許仍前放縱混亂僧規惟除學習禮誦之時務  
要各抱本叅話頭晨昏體究刻刻提撕直待靈雲之  
見桃花香巖之聞擊竹自然桶底脫落大用現前此  
時正好與山僧眉毛厮結鼓唱宗猷作傳心分座之  
事也設有高賢達士老宿名流不能屈尊就早凜遵  
約束者卽恐文殊爲七佛之師周公作三朝之佐皆  
爲今日之誣也矣倘能從中覷破不妨格外股肱使  
其舊軌恆存新車復轍叢林賴以振興法道因而顯  
著藏典流通於不朽傳燈接續以無虧果如是乎則  
見者聞者亦莫不曰從上以來于茲爲盛

計開規條

- 一 犯根本大戒者出院
- 一 侵竊常住銀錢什物者出院
- 一 不孝師長父母者出院
- 一 侮上中下座不識尊卑者出院
- 一 內外僧眾飲酒者出院 除有病白衆服藥不論
- 一 禪堂內外僧眾閒遊看戲者初犯跪香巡察再犯出院
- 一 私立鑊罐烹調飲食者出院 除老病不論
- 一 常住器皿什物有損失者以一賠二違者出院

- 一 常住僧眾私入街坊托鉢借稱常住者出院
- 一 本堂不守規矩者內聽維那外聽監院隨時舉罰抗辯不服者出院
- 一 叢林乃十方依棲之所不許私招徒眷違者連師擯出
- 一 鬪爭罵詈拳趾相交不行忍辱者初犯跪香巡察再犯出院
- 一 挨肩搭背損失威儀不顧僧體者跪香巡察
- 一 撩寮閒話不顧本叅者跪香
- 一 早晚課誦不隨堂者跪香

一板響不隨堂打飯獨食者跪香有容有病有公事者不論

一隨堂粥飯私帶小菜偏衆獨食者跪香

一凡冬夏禪期或戒期經期不待期終告假者罰油  
參劬供佛

一凡大小執事欲得告假必須半月前預白知事以  
便安人頂代不預白者罰油叁劬

一明知他人有過徇情不舉者罰油壹劬

一凡受戒者每逢十四三十夜俱要入堂布薩朔望

二日同衆誦戒違者罰油五劬

一朔望二日早課畢內外大衆應聽鼓聲同入紫柏

院功德林炷香作禮違者跪香

一每逢十四三十晚十地首師俱應聽鼓入齋堂茶

話

一內外帶髮道人并工師人等不許提酒肉進山門  
違者不敢容畱在寺

一經坊辦事理應三人一主銀錢一主簿籍一主發

經免致匿私成患

一經坊作內諸司延畱閒雜往來以悞公事淡爲不

便各請諒之

一常住出入銀錢簿帳每逢十四三十夜應客房點

擬述  
茶請監院維那書記庫頭侍者算結明白轉呈方丈以便方丈傳鼓領至 韋天作禮鳴誓以白自心

一經坊出入銀錢簿帳每逢十四晚應客房點茶請經王監院維那侍者十地算明轉呈方丈俟十五祈禱時要對 韋天鳴誓以永流通



康熙拾伍年拾壹月

日方丈亞印謹白



